



# Icyegeranyo cy'amakuru y'imikino yaranze icyumweru

2023 Taliki 30 Kamena–03 Nyakanga



P.1 African Beach Games 2023 : u Rwanda rwegukanye umudali umwe

## Ijambo ry'ibanze

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'Imikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigitimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

## Ibirimo

- P1 **African Beach Games 2023** : u Rwanda rwegukanye umudali umwe
- P2 **Basketball** : Ikipe y'u Rwanda na Uganda zabonye itike y'imikino y' Afurika U-16
- P2 **Swimming** : Hakinwe umunsi wa kabiri w'irushanwa ritegurwa na Mako Sharks SC
- P3 **Cycling** : Mugisha na Nzayisenga begukanye "Nyaruguru Liberation Day Race 2023"
- P4 **Volleyball** : Habaye amahugurwa y'abasifuzi 78 bashya
- P5 **Handball** : Hasojwe umwaka w'imikino wa 2023

Kuva taliki 23 kugeza 30 Kamena 2023 mu Mujyi wa Hammamet muri Tunizia habereye imikino y' Afurika ikinirwa ku mucanga "African Beach Games 2023".

Muri iyi mikino, u Rwanda rwari rwaserukiwe mu mukino wo Koga mu mazi magari "Open Water Swimming", Kung Fu Wushu na Basketball ikinwa n' abakinnyi 3 kuri 3 "3x3".

Muri Kung Fu Wushu, u Rwanda rwegukanye umudali wa Bronze watsindiwe na Mutuyimana Emmanuel wahatanye mu cyiciro "Nanquan", akaba ari ukwiyerekana nta ntwaro afite mu ntoki.

Mu cyiciro cyo Koga mu mazi magari "Open Water Swimming", u Rwanda rwari rwahagarariwe n' abakinnyi 2. Mu gusiganwa kilometero 5 mu bagabo, Dusabe Claude yabayeye uwa 6 muri 16 bitabiriye aho yakoresheje isaha 1, n' iminota 15. Nyirabyenda Neema mu bagore yakoresheje isaha 1, iminota 31 aba uwa 7 mu bakinnyi 16.

Muri Basketball ikinwa na 3 kuri 3 "3x3", ikipe y'u Rwanda yari igizwe na Kazenzeza Emile Galois, Turatsinze Olivier, Uwitonze Justin na Ngoga Elias. Iyi kipe yasoreye ku mwanya wa 4 nyuma yo gutsindwa na Algeria mu guhatanira umwanya wa 3 amanota 14 kui 11. Muri iki cyiciro, umudali wa Zahabu watwawe na Tunizia itsinze Mali amanota 17 kuri 12.

Abakinnyi 1100 baturutse mu bihugu 53 ni bo bitabiriye iri rushanwa aho bahatanye mu mikino 16. Ibihugu 24 ni byo byabashije kwegukana umudali. Algeria ni yo yaje ku mwanya wa mbere yegukanye imidali 34 harimo 15 ya Zahabu, 4 ya Feza na 12 y'Umulinga. Ku mwanya wa kabiri hari Tunizia yegukanye imidali 40 harimo 13 ya Zahabu, 13 ya Feza na 14 y'Umulinga naho ku mwanya wa 3 haza Maroc yegukanye imidali 22 harimo 8 ya Zahabu, 10 ya Feza n'indi 4 y'Umulinga.

Imikino itaha izabera muri Guinée Equatoriale muri 2027. Iyi mikino ku nshuro ya mbere yari yabereye muri Cap Vert mu 2019 gusa u Rwanda ntirwayitabiriye.



## Basketball : Ikipe y'u Rwanda na Uganda zabonye itike y'imikino y'Afurika U-16

Taliki 27 kugeza 30 Kamena 2023 i Kigali muri LDK habereye irushanwa ry'Akarere ka 5 mu mukino wa Basketball mu batarengeje imyaka 16 mu rwego rushakira itike y'imikino y'Afurika "FIBA Africa U-16 Zone 5 Qualifiers 2023".

Ikipe y'u Rwanda mu banganvu yitwaye neza yegukana igikombe ndetse n'itike yo kuzitabira imikino ya nyuma y'Afurika "FIBA U-16 African Championship 2023". Ku mwanya wa kabiri haje ikipe ya Tanzania.

Mu ngimbi, ikipe ya Uganda ni yo yegukanye igikombe ndetse n'itike y'imikino y'Afurika. Ikipe y'u Rwanda yasoreje ku mwanya wa kabiri nayo ibona itike y'imikino y'Afurika naho ku mwanya wa 3 haza Tanzania.

Imikino y'Afurika "FIBA U-16 African Championship 2023" izabera mu Mujyi wa Monastir muri Tunizia kuva taliki 13 kugeza 23 Nyakanga 2023. Iyi mikino izatanga itike ku ikipe izaserukira Afurika mu mikino y'igikombe cy'Isi mu batarengeje imyaka 17 "FIBA U17 World Championship 2024".



## Swimming : Hakinwe umunsi wa kabiri w'irushanwa ritegurwa na Mako Sharks SC

Taliki 01 Nyakanga 2023 hakinwe umunsi wa kabiri w'irushanwa ryo Koga ryateguwe n'ikipe ya Mako Sharks SC ikorera muri Green Hills Academy i Nyarutarama mu Mujyi wa Kigali "Mako Sharks Swimming League 2023".

Ku munsi wa kabiri w'iri rushanwa hitabiriye abakinnyi 107 baturutse mu makipe 4 ari yo Mako Sharks SC, Kwetu Kivu SC, Rwesero SC na Gisenyi Beach SC.

Aba bakinnyi bahatanye mu byiciro bitandukanye by'imyaka guhera ku bari munsi y'imyaka 10 kugeza ku bakuru mu buryo bwo Koga butandukanye burimo "Freestyle", "Butterfly", "Breaststroke" na "Backstroke" muri metero 50,100,200 na 400.

Ikipe Mako Sharks SC na Kwetu Kivu SC ni zo zitwaye neza. Biteganyijwe umunsi wa nyuma wa 3 w'iri rushanwa uzakinwa taliki 21 na 22 Ukwakira 2023 ahazitabira n'amakipe azaturuka hanze y'u Rwanda.

Iri rushanwa "Mako Sharks Swimming League 2023" ryateguwe n'ikipe ya Mako Sharks SC mu rwego rwo gufasha abakinnyi kuzamura impano no kongera amarushanwa.

Umunsi wa mbere w'iri rushanwa wakinwe taliki 26 Werurwe 2023 aho ikipe ya Mako Sharks SC ari yo yitwaye neza isozza ifite amanota 1399.



Taliki 02 na 03 Nyakanga 2023 habaye isiganwa ry'iminsi ibiri "Nyaruguru Liberation Day Race 2023" ryateguwe n'ishyirahamwe ry'umukino w'amagare mu Rwanda "FERWACY" mu rwego rwo kwizihiza umunsi mukuru wo Kwibohora ku nshuro ya 29.

Umunsi wa mbere isigananwa ryahagurukiye i Muhanga risorezwa mu Karere ka Nyaruguru naho ku munsi wa kabiri, isiganwa ritangirira ku Munini-Kibeho-Sitade Huye-Cyahinda risorezwa i Kibeho.

Mu bagabo "Men Elite", Mugisha Moise ukinira Benediction Club ni we wegukanye isiganwa mu gihe mu bagore "Women Elite" ari Nzayisenga Valentine ukinira ikipe ya Canyon/SRAM Generation yo mu Budage.

#### Uko isiganwa ryagenze

##### • Men Elite (213 Km)

1. Mugisha Moise 5h01'07"
2. Masengesho Vainqueur 5h03'00"
3. Manizabayo Eric 5h04'30"

##### • Men U-23 (213 Km)

1. Masengesho Vainqueur 5h03'00"
2. Tuyizere Etienne 5h07'34"
3. Niyonkuru Samuel 5h08'45"

##### • Men Junior (177 Km)

1. Tuyizere Hashimu 4h33'12"
2. Ruhumuriza Aime 4h33'52"
3. Shyaka Janvier 4h34'30"

##### • Abakoresheje amagare asanzwe

1. Niyombikesha Jean Claude
2. Ndayisenga Jean Pierre
3. Ishimwe Jean Claude

##### • Women Elite (177 Km)

1. Nzayisenga Valentine 5h08'57"
2. Ingabire Diane 5h14'39"
3. Mwamikazi Djazilla 5h24'49"

##### • Women Junior (167 Km)

1. Byukusenge Mariate 5h09'58"
2. Uwera Aline 5h10'00"
3. Umutoni Sandrine 5h12'30"



Taliki 01 na 02 Nyakanga 2023 muri Hilltop Hotel i Remera habereye amahugurwa y'abasifuzi bashya bagera kuri 78 ndetse n'abasanze ari abasifuzi.

Aya mahugurwa y'iminsi ibiri yari yateguwe n'ishyirahamwe ry'umukino wa Volleyball mu Rwanda "FRVB" mu rwego rwo kongerera ubumenyi abasifuzi, kwiyibutsa no kwihugura ku mategeko mashya y'umukino.

Abasifuzi bashya bifuje kwinjira mu mwuga bahawe ikaze ndetse n'icyemezo "Certificate" nyuma yo gukora ibizamini ku byo bigishijwe.



Taliki 02 Nyakanga 2023 muri BK Arena habereye imikino ya nyuma yo gusoza shampiyona ya Handball umwaka wa 2023 mu cyiciro cya mbere mu bagabo n'abagore ndetse n'icyiciro cya kabiri mu bagabo.

Mu cyiciro cya mbere mu bagabo, umukino wa nyuma wahuje Police HBC na Gicumbi HBT nta bwo warangiye kubera kutumvikana ku byemezo by'abasifuzi ubwo amakipe yanganyaga ibitego 36-36. Bikaba biteganyijwe umukino uzakinwa wose taliki 27 Kanama 2023.

Mu bagore, ikipe ya Kiziguro SS yegukanye igikombe itsinze ISF Nyamasheke ibitego 37 kuri 19.

Mu cyiciro cya kabiri mu bagabo, ikipe ya UR Rukara yatsinze Gorillas HBC ibitego 29 kuri 25.

### Uko imikino yagenze

#### Abagore

#### Imikino ya ½

- Kiziguro SS **35-27** UoK
- ISF Nyamasheke **38-27** GS Kitabi

#### Umwanya wa gatatu

- UoK **33-23** GS Kitabi

#### Umukino wa nyuma

- Kiziguro SS **37-19** ISF Nyamasheke

#### Abagabo

#### Imikino ya ½

- Gicumbi HBT **45-23** ES Kigoma
- Police HBC **27-26** APR HBC

#### Umwanya wa gatatu

- APR HBC **31- 24** ES Kigoma

#### Icyiciro cya kabiri

#### Mu bagabo

- UR Rukara **29-25** Gorillas HC





**RWANDA**  
Olympic rings logo



**commonwealth**  
**games**  
**RWANDA**

Website: [www.olympicrwanda.org](http://www.olympicrwanda.org)

[www.olympicrwanda.org/commonwealth](http://www.olympicrwanda.org/commonwealth)

Email: [cnosr@olympicrwanda.org](mailto:cnosr@olympicrwanda.org) |     @RwandaOlympic

Address: Remera–Hallmark Center Building KG 17 Ave